

**Broj: UP1-06-13-1-155-5/21**  
**Mostar, 25.02.2021. godine**

Na osnovu člana 17., člana 22. stav (1), stav (3) i stav (5) i člana 23. stav (1) tačka d) Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1) i člana 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 36. stav (1) tačka d), stav (4) i stav (7), te člana 37. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16) i člana 12a. Pravilnika o metodologiji i načinu obračuna regulatornih naknada za imaoce dozvola – Prečišćeni tekst („Službene novine Federacije BiH“ broj 94/19), postupajući po Zahtjevu za oduzimanje dozvole za rad (licence) broj UP1-06-13-1-155-1/20 od 29.12.2020. godine, podnosioca zahtjeva „ISTRABENZ PLINI“ d.o.o. Breza, Potkraj bb, Breza, zastupanog po zakonskom zastupniku Ismailu Šenderoviću, u postupku trajnog oduzimanja Dozvole za rad (licence) za trgovanje LPG-om broj 06-03-1055/86/17, Regulatorna komisija za energiju u Federaciji Bosne i Hercegovine – FERK je 25.02.2021. godine na IV redovnoj sjednici donijela sljedeće

### **RJEŠENJE**

1. Imaocu dozvole „ISTRABENZ PLINI“ d.o.o. Breza, trajno se oduzima Dozvola za rad (licenca) za trgovanje LPG-om broj 06-03-1055/86/17, izdata Rješenjem broj 06-03-1055-09/86/17 od 11.06.2018. godine društvu GTG plin d.o.o. Zenica.
2. Regulatorna naknada utvrđena u tačkama 4. i 5. Rješenja broj 06-03-1055-09/86/17 od 11.06.2018. godine, preračunata je za period važenja dozvole za rad (licence) u 2021. godini, te ista iznosi 882,19 KM.
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
4. Stupanjem na snagu ovog rješenja prestaje važiti Rješenje broj 06-03-1055-09/86/17 od 11.06.2018. godine kojim je izdata Dozvola za rad (licenca) za trgovanje LPG-om broj 06-03-1055/86/17 društvu GTG plin d.o.o. Zenica.

### **Obrazloženje**

Dana 29.12.2020. godine FERK je od podnosioca „ISTRABENZ PLINI“ d.o.o. Breza pod brojem UP1-06-13-1-155-1/20 primio Zahtjev za oduzimanje dozvole za rad (licence), u postupku oduzimanja Dozvole za rad (licence) za trgovanje LPG-om broj 06-03-1055/86/17, koja je izdata pripojenom društvu GTG plin d.o.o. Zenica, radi neobavljanja odobrene energetske djelatnosti transportnom jedinicom i u skladištima LPG-a za koje je Dozvola za rad (licenca) za trgovanje LPG-om broj 06-03-1055/86/17 izdata.

Članom 22. stav (1) Zakona o naftnim derivatima u Federaciji Bosne i Hercegovine propisano je da se licenca prije isteka njenog važenja može oduzeti privremeno ili trajno, dok je stavom (3) navedenog člana propisano da se postupak za oduzimanje licence obavlja na isti način kao i postupak za davanje licence.

Takođe, članom 36. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisani su razlozi oduzimanja dozvole za rad - licence, pa je stavom (1) tačka d) ovog člana propisano da će FERK istu oduzeti ukoliko imalac dozvole ne obavlja odobrenu energetske djelatnost, o čemu je bio dužan obavijestiti FERK. Članom 37. stav (1) ovog pravilnika propisano je da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), dok je stavom (2) istog člana propisano da ukoliko su u zahtjevu za pokretanje postupaka iz stava (1) ovoga člana navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i na način da se donese odluka bez pozivanja zainteresovanih lica na davanje pisanih komentara na nacrt dozvole kroz proces javne rasprave.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 19.01.2021. godine uputio Obavještenje o nedostacima podnesenog Zahtjeva za oduzimanje dozvole za rad (licence) za trgovanje LPG-om pod brojem UP1-06-13-1-155-2/20 i odredio mu rok od osam dana radi otklanjanja uočenih nedostataka navedenih u obavještenju. Postupajući po obavještenju, podnosilac zahtjeva je dostavio dopis primljen u FERK 28.01.2021. godine pod brojem UP1-06-13-1-155-3/20, uz koji je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun.

U ovom postupku oduzimanja dozvole za rad (licence) FERK je utvrdio da je društvo „ISTRABENZ PLINI“ d.o.o. Breza izvršilo pripajanje imaoaca dozvole GTG plin d.o.o. Zenica, nakon što je GTG plin d.o.o. Zenica promijenio naziv u IBP d.o.o., uslijed čega je to društvo brisano iz sudskog registra. Takođe, FERK je imao u vidu da je društvo „ISTRABENZ PLINI“ d.o.o. Breza, pripajanjem društva GTG plin d.o.o. Zenica, odnosno IBP d.o.o., kao imaoaca dozvole postao pravni sljednik istog, odnosno pripajanjem je stekao sva prava i obaveze pripojenog društva, a sve u skladu sa članom 64. stav (2) Zakona o privrednim društvima („Službene novine Federacije BiH“ broj 81/15). Ovom odredbom je propisano da se društvo može pripojiti prenosom imovine i obaveza bez provođenja likvidacije drugom društvu, koje postaje njegov pravni sljednik. Obzirom na navedeno, te da je društvo „ISTRABENZ PLINI“ d.o.o. Breza podnošenjem Zahtjeva za oduzimanje dozvole za rad (licence) iskazao volju neobavljati odobrenu energetske djelatnost transportnom jedinicom i u skladištima LPG-a za koje je Dozvola za rad (licenca) za trgovanje LPG-om broj 06-03-1055/86/17 izdata, a na osnovu naprijed navedenih odredbi, FERK je odlučio izvršiti privremeno oduzimanje Dozvole za rad (licence) za trgovanje LPG-om broj 06-03-1055/86/17 imaoцу dozvole „ISTRABENZ PLINI“ d.o.o. Breza, obzirom da su ispunjeni svi propisani uslovi za privremeno oduzimanje dozvole za rad (licence).

Stoga je FERK donio Rješenje broj UP1-06-13-1-155-4/20 od 11.02.2021. godine o privremenom oduzimanju Dozvole za rad (licence) za trgovanje LPG-om broj 06-03-1055/86/17 imaoцу dozvole „ISTRABENZ PLINI“ d.o.o. Breza, u kojem je naloženo imaoцу dozvole

„ISTRABENZ PLINI“ d.o.o. Breza da do 19.02.2021. godine FERK-u dostavi obavještenje ukoliko namjerava nastaviti sa obavljanjem energetske djelatnosti, a u suprotnom FERK će donijeti rješenje kojim se trajno oduzima dozvola za rad (licenca).

Imalac dozvole nije dostavio obavještenje o namjeri daljeg obavljanja energetske djelatnosti u roku utvrđenom u Rješenju broj UP1-06-13-1-155-4/20 od 11.02.2021. godine o privremenom oduzimanje Dozvole za rad (licence) za trgovanje LPG-om broj 06-03-1055/86/17.

Članom 22. stav (5) Zakona o naftnim derivatima u Federaciji Bosne i Hercegovine propisano je da se postupak trajnog oduzimanja licence provodi ako energetski subjekt ne otkloni nedostatak u roku određenom aktom o privremenom oduzimanju licence ili ne otkloni nedostatke u radu u roku određenom rješenjem nadležnog inspektora.

Imajući u vidu činjenicu da se imalac dozvole nije izjasnio da namjerava nastaviti obavljanje energetske djelatnosti, zbog čega mu je privremeno oduzeta dozvola za rad (licenca), FERK je odlučio izvršiti trajno oduzimanje Dozvole za rad (licence) za trgovanje LPG-om broj 06-03-1055/86/17, imaocu dozvole „ISTRABENZ PLINI“ d.o.o. Breza, obzirom da su ispunjeni svi propisani uslovi za trajno oduzimanje dozvole za rad (licence).

Obzirom da je članom 12a. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisano da se imaocima dozvole iz sektora naftne privrede, kojima se vrši oduzimanje dozvole, iznos regulatorne naknade preračunava pojedinačnim rješenjem u skladu sa periodom važenja dozvole u tekućoj godini, regulatorna naknada za 2021. godinu je preračunata za period važenja dozvole za rad (licence) u 2021. godini, te ista iznosi 882,19 KM. Obzirom da je imalac dozvole izmirio obaveze po osnovu regulatorne naknade za treću godinu važenja dozvole, te je nakon preračuna regulatorne naknade u pretplati, imaocu dozvole izvršiće se povrat više uplaćene regulatorne naknade u iznosu od 657,53 KM, o čemu će se imaocu dozvole ispostaviti posebna obavještenje.

Na osnovu obrade Zahtjeva za oduzimanje dozvole za rad (licence) podnosilac „ISTRABENZ PLINI“ d.o.o. Breza i dokumentacije priložene uz zahtjev, FERK je u skladu sa članom 36. stav (1) tačka d) i članom 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, odlučio kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja „ISTRABENZ PLINI“ d.o.o. Breza može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Jasmin Bešo**

Dostaviti:

- „ISTRABENZ PLINI“ d.o.o. Breza (poštom preporučeno uz dostavnicu)
- Federalnom ministarstvu energije, rudarstva i industrije (poštom preporučeno uz dostavnicu)
- Federalnom ministarstvu trgovine (poštom preporučeno uz dostavnicu)
- Federalnoj upravi za inspeksijske poslove (poštom preporučeno uz dostavnicu)
- Sektoru za tehničke poslove i licence